

ԿԱ ՄԻ ԶՐՈՒՅՑ, ԹԵ...



Առաջադրանքներ

- Գտի՛ր սխալ տողադարձված բառը:
 - Սե-վան
 - մոռացկ-ոտ
 - գը-լուխ
 - տարած-վել
- Նշի՛ր այն տարբերակը, որում տողադարձը ճիշտ է արված.
 - տանտի-բուհի, բ) լուս-ամուտ, գ) ար-եղա, դ) գըրա-շար:
- Տրված բառերից որի՞ առաջին վանկն է բաց.
 - ընկույզ, բ) ծաղկաման, գ) ընտանի, դ) կահույք:
- Տրված բառերից ո՞րը գավազան բառի իմաստներից չէ.
 - ցուպ, բ) մահակ, գ) մական, դ) գահավորակ:
- Գտի՛ր տրված բառերի արմատները, գծիկով բաժանի՛ր բաղադրիչների և նշի՛ր բառերում արմատների և ածանցների քանակը:
Փոքրիկ, արջ, որսորդ, հատվածային, մայրական, տնակ, հերկել, հող, խնձոր, խոսել, պահակ, ուսուցիչ, աշակերտ, ոսկեղեն, բանակային. մատնոց, ծառ, գյուղացի, սերմացու, հոշակավոր, երևանցի, համեղ, սահուն, գունատ, Հայաստան, ընկերաբար, կանաչավուն, հենակ, գնորդ, աճուրդ, գորություն:

Նմուշ՝ փոքր-իկ՝ 1 արմատ, 1 ածանց:

- Տեքստից դո՛ւրս գրի՛ր բարդ և ածանցավոր բառերը:

Հանդարտահոս այդ գետի արևահայաց ափին վսեմորեն բազմած էր լեռնաշղթան՝ սուրսայր կատարներով: Այն ավելի էր վեհացնում հոգեզմայլ ալպյան մարգագետինների գեղեցկությունը՝ երփներանգ, փարթամ, գմբուխտաշող: Ականակիտ գետը, բարձրաբերձ, երկնահույս լեռնաշղթան, թավշականաչ մարգագետինները լուռ վկաներն են իմ խենթ մանկության:

Ու հիմա, երբ կրկին կարոտակեզ այցի եմ եկել ոսկեթև ման-

կությանս նվիրական, սրբասուրբ վայրերին, պղտորված աչքերիս առաջ իմ մանկության սրտահույզ պատկերներն են, որ լռելյայն գալիս են որպես վաղուց անդառնալիորեն փշրված, անէացած քաղցր երազի բեկորներ:

Նմուշ՝

Ածանցավոր բառեր	Բարդ բառեր
Վսեմորեն	Հանդարտահոս

7. Նախորդ առաջադրանքի տեքստը հարստացրո՛ւ հերոսներով՝ գործողություններին նոր ընթացք հաղորդելով: Վերնագրի՛ր շարադրանքդ:
8. Ըստ բաժնի՝ ստեղծի՛ր ուսումնական նյութերի բառարան, պատառ, գրքույկ և այլն, հակիրճ գրառումներ արա դրանց համար՝ համագործակցելով ընկերներիդ հետ (նախագծային աշխատանք):